

Великая Пятница

Последование утрени

В практике русской церкви, эта служба читается вечером в четверг.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Старший: Аллилу́иа, глас 8

Хор: Аллилуия, аллилуия, аллилуия

Старший: От нощи ўтренюет дух мой к Тебѣ, Бóже, занѣ свет повелѣния Твоя на землѣ.

Хор: Аллилуия, аллилуия, аллилуия

Старший: Правде научитесь живущи на землѣ.

Хор: Аллилуия, аллилуия, аллилуия

Старший: Зависть примет люди ненаказанныя.

Хор: Аллилуия, аллилуия, аллилуия

Старший: Приложѣ им зла, Господи, приложѣ зла славным землѣ.

Хор: Аллилуия, аллилуия, аллилуия

Егда славнии ученицы на умовѣнии вѣчери просвещахуся, тогда Иуда злочестивый сребролюбием недуговав омрачашеся, и беззаконным судиям Тебѣ праведнаго Судию предаѣт. Виждь имений рачителю, сих ради удавлѣние употребивша. Бежи несытыя души, учителю таковая дерзнувшая: Иже о всех Благий, Господи, слава Тебѣ. (дважды)

Слава Отцу, и Сыну, и Святому Духу, и ныне и присно, и во веки веков, аминь.

Егда славнии ученицы на умовѣнии вѣчери просвещахуся, тогда Иуда злочестивый сребролюбием недуговав омрачашеся, и беззаконным судиям Тебѣ праведнаго Судию предаѣт. Виждь имений рачителю, сих ради удавлѣние употребивша. Бежи несытыя души, учителю таковая дерзнувшая: Иже о всех Благий, Господи, слава Тебѣ.

Евангелие выносятся и свечи зажигаются

Старший: От Иоанна Святаго Евангелия чтение

Хор: Слава страстем твоим Господи.

Старший:

1 Евангелие Иоанна 13:31-18:1

Рече Господь Своим учеником: ныне прославися Сын Человеческий, и Бог прославися о Нем. Аще Бог прославися о Нем, и Бог прославит Его в Себѣ, и абие прославит Его. Чадца, еще с вами мало есмь: взыщете Менѣ, и якоже Рех иудеом, яко аможе Аз иду, вы не можете приити: и вам глаголю ныне. Заповедь новую даю вам, да любите друг друга: якоже возлюбих вы, да и вы любите себѣ. О сем разумѣют вси, яко Мой ученицы естѣ, аще любовь имате между собою. Глагола Ему Симон Петр: Господи, камо идеши, отвеца ему Иисус: аможе Аз иду, не можеши ныне по Мне ити, последи же по Мне идеши. Глагола Ему Петр: Господи, почто не могу ныне по Тебѣ ити? Ныне душу мою за Тя положу. Отвеца ему Иисус: душу ли твою за Мя положиши? Аминь, аминь глаголю тебѣ: не возгласит алектор, дондеже отвержешися Менѣ трици. Да не смущается сердце ваше: веруйте в Бога, и в Мя веруйте. В дому Отца Моего обители многи суть: аще ли же ни, рекл бых вам: иду уготовати место вам. И аще

угото́влю ме́сто вам, па́ки прииду́, и по́иму вы к Себе́: да иде́же есмь Аз, и вы бу́дете. И а́може Аз иду́, ве́сте, и путь ве́сте. Глаго́ла ему́ Фома́: Го́споди, не ве́мы, ка́мо идеши; и ка́ко мо́жем путь ве́дети? Глаго́ла ему́ Иису́с: Аз есмь Путь и И́стина, и Живо́т: никто́же Приидет ко Отцу́, то́кмо Мно́ю. А́ще Мя бы́сте зна́ли, и Отца́ Моего́ зна́ли бы́сте у́бо: и отсе́ле позна́ете Его́, и ви́дете Его́. Глаго́ла Ему́ Фили́пп: Госпо́ди, покажи́ нам Отца́, и довлéет нам. Глаго́ла ему́ Иису́с: то́лько вре́мя с ва́ми есмь, и не позна́л еси́ Мене́, Фили́ппе? Ви́девый Мене́, ви́де Отца́: и ка́ко ты глаго́лещи, покажи́ нам Отца́? Не ве́руеши ли, я́ко Аз во Отце́, и Оте́ц во Мне есть? Глаго́лы, я́же Аз глаго́лю вам, о Себе́ не глаго́лю: Оте́ц же во Мне пребыва́яй, той творит дела́. Ве́руйте Мне, я́ко Аз во Отце́, и Оте́ц во Мне: а́ще ли же ни, за та дела ве́ру имите́ Ми. Ами́нь, ами́нь глаго́лю вам: ве́руяй в Мя, дела́, я́же Аз творю́, и той сотвори́т, и бо́льша сих сотвори́т, я́ко Аз ко Отцу́ Моему́ гряду́. И е́же а́ще что про́сите от Отца́ о И́мени Мо́ем, то сотвори́ю: да просла́вится Оте́ц в Сы́не. И а́ще че́со про́сите во И́мя Моё, Аз сотвори́ю. А́ще любите́ Мя, заповеди́ Моя́ соблюди́те. И Аз умо́лю Отца́, и ино́го Уте́шителя́ даст вам, да бу́дет с ва́ми в век: Дух И́стины, Его́же мир не мо́жет при́йти, я́ко не ви́дит Его́, ниже́ знает Его́: вы же зна́ете Его́, я́ко в вас пребыва́ет, и в вас бу́дет. Не оста́влю вас си́ры, прииду́ к вам. Е́ще мало, и мир ктому́ не ви́дит Мене́, вы же ви́дите Мя: я́ко Аз живу́, и вы жи́ви бу́дете. В той день разуме́ете вы, я́ко Аз во Отце́ Моём, и вы во Мне, и Аз в вас. Име́яй заповеди́ Моя́ и соблюда́яй их, той есть любя́й Мя: а любя́й Мя, возлю́блен бу́дет Отце́м Мо́им: и Аз возлю́блю его́, и явлю́ся ему́ Сам. Глаго́ла Ему́ Иу́да, не Искарйо́тский: Го́споди, и что бы́сть, я́ко нам хо́щеши яви́тися, а не ми́рови? Отвещá Иису́с, и рече́ ему́: а́ще кто любит́ Мя, сло́во Моё соблюде́т: и Оте́ц Мой возлю́бит его́, и к Нему́ прииде́ма, и оби́тель у Него́ сотвори́ма. Не любя́й Мя, словéс Мо́их не соблюда́ет: и сло́во, е́же слы́шасте, несть Моё, но посла́вшаго́ Мя Отца́. Сия́ глаго́лах вам, в вас сый. Уте́шитель же Дух Святы́й, Его́же по́слет Оте́ц во И́мя Моё, Той вы научи́т все́му, и воспомяне́т вам вся, я́же Рех вам. Мир оста́вляю вам, мир Мой даю́ вам: не я́коже мир да́ет, Аз даю́ вам. Да не сму́щается се́рдце ваше, не устраша́ет. Слы́шасте, я́ко Аз Рех вам: иду́ и прииду́ к вам. А́ще бы́сте любили́ Мя, возра́довалися бы́сте у́бо, я́ко рех, иду́ ко Отцу́: я́ко Оте́ц Мой бо́лий Мене́ есть. И ны́не Рех вам, пре́жде да́же не бу́дет, да егда́ бу́дет, ве́ру имете́. Ктому́ не мно́го глаго́лю с ва́ми: гряде́т бо сегó ми́ра князь, и во Мне не има́ть ниче́соже. Но да разуме́ет мир, я́ко люблю́ Отца́, и я́коже запове́да Мне Оте́ц, Та́ко творю́: воста́ните, иде́м отсю́ду. Аз есмь Лоза́ и́стинная, и Оте́ц Мой де́латель есть. Вся́ку ро́згу о Мне не творя́щую пло́да, и́змет ю́: и вся́ку творя́щую пло́д отребит́ ю́, да мно́жайший пло́д принесе́т. Уже́ вы чи́сти есте́ за сло́во, е́же глаго́лах вам. Бу́дите во Мне, и Аз в вас: я́коже розга́ не мо́жет пло́да сотвори́ти о себе́, а́ще не бу́дет на лозе́, та́ко и вы, а́ще во Мне не пребу́дете. Аз есмь Лоза́, вы же ро́ждие: и и́же бу́дет во

Мне, и Аз в нем, той сотворит плод мног: яко без Мене не можете творити ничесоже. Аще кто во Мне не пребудет, извержется вон якоже розга, и изсышет и собирают ю, и во огонь влагают, и сгарает. Аще пребудете во Мне, и глаголы Мои в вас пребудут: емуже аще хощете просите, и будет вам. О сем прославися Отец Мой, да плод мног сотворите, и будете Мои ученицы. Якоже возлюбил Мя Отец, и Аз возлюбил вас, будьте в любви Моей. Аще заповеди Моя соблюдете, пребудете в любви Моей: якоже Аз заповеди Отца Моего соблюдох, и пребываю в Его любви. Сия глаголах вам, да радость Моя в вас будет, и радость ваша исполнится. Сия есть заповедь Моя, да любите друг друга, якоже возлюбил вы. Больше сея любви никтоже имеет, да кто душу свою положит за други Своя. Вы друзья Мои есте, аще творите, елика Аз заповедаю вам. Не кому вас глаголю рабы, яко раб не вест, что творит господь его: вас же рекох други, яко вся, яже слышах от Отца Моего, сказах вам. Не вы Мене избрасте, но Аз избрах вас, и положил: да вы идете, и плод принесете, и плод ваш пребудет: да егоже аще просите от Отца во Имя Моё, даст вам. Си заповедаю вам, да любите друг друга. Аще мир вас ненавидит, ведите, яко Мене прежде вас возненавиде. Аще от мира бысте были, мир убо свое любил бы: якоже от мира несте, но Аз избрах вы от мира, сего ради ненавидит вас мир. Поминайте слово, еже Аз рех вам: несть раб болий Господа своего. Аще Мене изгнаша, и вас изженут: аще слово Мое соблюдоша, и ваше соблюдут. Но сия вся творят вам за Имя Моё, яко не ведят Пославшаго Мя. Аще не бых пришел, и глаголах им, греха не быша имели: ныне же вини не имеют о гресе своем. Ненавидяй Мене, и Отца Моего ненавидит. Аще дел не бых сотворил в них, ихже ин никтоже сотвори, греха не быша имели: ныне же и видеша, и возненавидеша Мене и Отца Моего. Но да сбудется слово писанное в законе их: яко возненавидеша Мя туне. Егда же придет Утешитель, Егоже Аз послю вам от Отца, Дух Истины, иже от Отца исходит, Той свидетельствует о Мне. И вы же свидетельствуете, яко искони со Мною есте. Сия глаголах вам, да не соблазнитесь. От сонмищ ижденут вы. Но придет час, да всяк, иже убиет вы, мнит ся службу приносити Богу. И сия сотворят, яко не познаша Отца, ни Мене. Но сия глаголах вам, да егда придет час, поминайте се, яко Аз рех вам: сих же вам исперва не рех, яко с вами бех. Ныне же иду к пославшему Мя, и никтоже от вас вопрошает Мене: како идеши? Но яко сия глаголах вам, скорби исполних сердца ваша. Но Аз истину вам глаголю: уне есть вам, да Аз иду. Аще бо не иду Аз, Утешитель не придет к вам: аще ли же иду, послю Его к вам. И пришед Он, обличит мир о гресе, и о правде, и о суде. О гресе убо, яко не веруют в Мя. О правде же, яко ко Отцу Моему иду, и кому не видите Мене. О суде же, яко князь мира сего осужден бысть. Еще много имаю глаголати вам, но не можете носити ныне. Егда же придет Он, Дух Истины, наставит вы на всяку истину. Не о Себе бо глаголати имеет, но елика аще услышит,

глаголати имать, и грядущая возвестит вам. Он Мя прославит, яко от Моего примет, и возвестит вам. Вся, елика имать Отец, Моя суть: сего ради рех, яко от Моего примет, и возвестит вам. Вмале, и ктому не видите Мене, и паки вмале, и узрите Мя, яко идю ко Отцу. Реша же от ученик Его к себе: что есть сие, еже глаголет нам, вмале, и не видите Мене: и паки вмале, и узрите Мя, и яко Аз идю ко Отцу? Глаголаху убо, что сие есть еже глаголет, вмале? Не вемы, что глаголет. Разуме же Иисус, яко хотяху Его вопрошати, и рече им: о сем ли стязаетеся между собою, яко рех: вмале, и не видите Мене: и паки вмале, и узрите Мя. Аминь, аминь глаголю вам, яко восплачетесь и возрыдаете вы, а мир возрадуется: вы же печальни будете, но печаль ваша в радость будет. Жена, егда раждает, скорбь имать, яко прииде год ея: егда же родит отроча, ктому не помнит скорби за радость, яко родися человек в мир. И вы же печаль имате убо ныне: паки же узрю вы, и возрадуется сердце ваше, и радости вашей никтоже возмет от вас: И в той день Мене не спросите ничесоже. Аминь, аминь глаголю вам: яко елика аще Chesо просите от Отца во имя Моё, даст вам. Доселе не просите ничесоже во имя Моё. Просите, и примите, да радость ваша исполнена будет. Сия в притчах глаголах вам: но приидет час, егда ктому в притчах не глаголю вам, но яве о Отце возвещу вам. В той день во Имя Моё спросите: и не глаголю вам, яко Аз умолю Отца о вас. Сам бо Отец любит вы, яко вы Мене возлюбисте, и вероваште, яко Аз от Бога изыдох. Изыдох от Отца, и приидох в мир: и паки оставляю мир, и идю ко Отцу. Глаголаша Ему ученицы Его: се ныне не обинуюся глаголеши, а притчи никоеяже не глаголеши. Ныне вемы, яко веси вся, и не требуеши, да кто ты вопрошает: о сем веруем, яко от Бога изшел еси. Отвеща им Иисус: ныне ли веруете? Се грядет час, и ныне прииде, да разыдется кождо во своя, и Мене единого оставите: и не смеь един, яко Отец со Мною есть. Сия, глаголах вам, да во Мне мир имате. В мире скорбни будете: но дерзайте, яко Аз победих мир. Сия глагола Иисус, и возведе очи Свои на небо, и рече: Отче, прииде час, прослави Сына Твоего, да и Сын Твой прославит Тя. Якоже дал еси Ему власть всякия плоти, да всяко еже дал еси Ему, даст им живот вечный. Се же есть живот вечный, да знают Тебе Единого истинного Бога, и Егоже послал еси Иисус Христа. Аз прославих Тя на земли, дело соверших, еже дал Мне да сотворю. И ныне прослави Мя Ты, Отче, у Тебе Самого славою, юже имех у Тебе прежде мир не бысть. Явих Имя Твое человеком, ихже дал еси Мне от мира: Твой беша, и Мне их дал еси, и слово Твое сохраниша. Ныне разумеша, яко вся, елика дал еси Мне, от Тебе суть. Яко глаголы, ихже дал еси Мне, дах им: и тии прияша, и разумеша воистинну, яко от Тебе изыдох, и вероваша, яко Ты Мя посла. Аз о сих молю: не о всем мире молю, но о тех, ихже дал еси Мне, яко Твой суть. И Моя вся, Твоя суть и Твоя Моя: и прославихся в них. И ктому не смеь в мире, и сии в мире суть, и Аз к Тебе гряду. Отче Святыи, соблюди их во Имя Твое, ихже дал еси

Мне, да бѹдут еди́но я́коже и Мы. Егда́ бех с ни́ми в ми́ре, Аз соблюда́х их во и́мя Твое́, ихже дал еси́ Мне, сохрани́х, и никто́же от них поги́бе, то́кмо сын поги́бельный, да сбѹдется Писа́ние. Ны́не же к Тебе́ гряду, и Сия́ глаго́лю в ми́ре, да и́мут ра́дость Мою́ испо́лнену в себе́. Аз дах им сло́во Твое́, и мир возненави́де их, я́ко не суть от ми́ра, я́коже и Аз от ми́ра несмы́. Не молю, да во́змеш их от ми́ра, но да соблюде́ши их от неприязни. От ми́ра не суть, я́коже и Аз от ми́ра несмы́. Святи́ их во и́стину Твою́: сло́во Твое́ и́стина есть. Я́коже Мене́ послал еси́ в мир, и Аз посла́х их в мир. И за них Аз свящѹ́ Себе́, да и ти́и бѹдут свяще́ни во и́стину. Не о сих же молю́ то́кмо, но и о ве́рующих словесе́ их ра́ди в Мя. Да вси еди́но суть, я́коже Ты, О́тче, во Мне, и Аз в Тебе́, да и ти́и в нас еди́но бѹдут: да и мир ве́ру и́мет, я́ко Ты Мя посла́л еси́. И Аз сла́ву, ю́же дал еси́ Мне, дах им: да бѹдут еди́но, я́коже Мы еди́но есма. Аз в них, и Ты во Мне, да бѹдут сверше́ни во еди́но; и да разуме́ет мир, я́ко Ты Мя посла́, и возлюби́л еси́ их, я́коже Мене́ возлюби́л еси́. О́тче, ихже дал еси́ Мне, хощѹ́, да иде́же есмь Аз, и ти́и бѹдут со Мною́, да ви́дят сла́ву Мою́, ю́же дал еси́ Мне, я́ко возлюби́л Мя еси́ пре́жде сложе́ния ми́ра. О́тче Пра́ведный, и мир Тебе́ не позна́. Аз же Тя позна́х, и сий позна́ша, я́ко Ты Мя посла́. И сказа́х им И́мя Твое́, и скажѹ́: да лю́бы, е́юже Мя еси́ возлюби́л в них бѹдет, и Аз в них. И Сия́ рек Иису́с, изы́де со ученики́ Свои́ми на он пол пото́ка Ке́дрска. Иде́же бе вертогра́д, во́ньже вни́де Са́м и ученицы́ Его́.

Хор: Сла́ва долготерпе́нию Твоему́, Го́споди.

Ударяют в колокол 1 раз

Антифо́н 1, глас 8:

Кня́зи лю́дстии собра́шася на Го́спода, и на Христа́ Его́.

Сло́во законопрестѹ́пное возложи́ша на Мя, Го́споди, Го́споди, не оста́ви Мене́.

Чѹ́ствия на́ша чи́ста Христо́ви предста́вим, и я́ко дру́зи Его́, ду́шы на́ша пожре́м Его́ ра́ди, и не попече́ньми житейскими соугнета́емс я́ко Иу́да, но в кле́тех на́ших возопи́им: О́тче наш, И́же на Небесе́х, от лука́ваго изба́ви нас.

Слава Отцу, и Сыну, и Святому Духу, и ныне и присно, и во веки веков, аминь.

Де́ва родила́ еси́ Неискусобра́чная, и Де́ва пребыла́ еси́ Ма́ти Безневѣстная, Богороди́це Мари́е, Христа́ Бога на́шего моли спасти́ся нам.

Антифóн 2, глас 6:

Течé глаголя Иўда беззакóнным кнїжником: что́ мне хóщете дáти, и аз вам предáм Егó? Среди́ же совеща́ющих Сам стоя́л еси́ невидимо
Совеща́емый: Сердцевéдче, пощади́ ду́шы нáша.

Милостию́ Бóгови послужим, я́ко же Мари́а на вéчери, и не стя́жим
сребролю́бия, я́ко Иўда: да всегда́ со Хри́стом Бóгом б́удем.

Слава Отцу, и Сыну, и Святому́ Духу, и ны́не и присно, и во веки веков,
аминь.

Его́же родила́ еси́, Де́во, неизрече́нно, в́ыну я́ко Человеколю́бца не преста́й
моля́щи, да от бед спасе́т вся к Тебе́ прибега́ющыя.

Антифóн 3, глас 2:

Ла́зарева ра́ди воста́ния, Го́споди, осáнна Тебе́ зва́ху де́ти евре́йския,
Человеколю́бче: беззакóнный же Иўда не восхоте́ разумéти.

На вéчери Твое́й, Хри́сте Бóже, ученико́м Твои́м предглаго́лал еси́, еди́н от
вас преда́ст Мя: беззакóнный же Иўда не восхоте́ разумéти.

Иоáнну вопро́сившу: Го́споди, преда́й Тя кто́ есть? то́го хлéбом показáл
еси́: беззакóнный же Иўда не восхоте́ разумéти.

На три́десятих сребрени́цах, Го́споди, и на лобза́нии льсти́вном, иска́ху
иудее́ уби́ти Тя: беззакóнный же Иўда не восхоте́ разумéти.

На умо́вении Твоéм, Хри́сте Бóже, ученико́м Твои́м повелéл еси́: си́це
твори́те, я́коже ви́дите, беззакóнный же Иўда не восхоте́ разумéти.

Бди́те и моли́тесь, да не вни́дете в напа́сть, учеником Твои́м, Хри́сте Бóже
наш, глаго́лал еси́: беззакóнный же Иўда не восхоте́ разумéти.

Слава Отцу, и Сыну, и Святому́ Духу, и ны́не и присно, и во веки веков,
аминь.

Спаси́ от бед рабы́ Тво́я, Богоро́дице, я́ко вси по Бóзе к Тебе́ прибега́ем,
я́ко неруши́мей стене́ и предста́тельству.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и присно́ и во ве́ки

векѡв, амѣнь.

Хор: Амѣнь

Седáлен, глас 7:

На вѣчери ученикѣ питáя, и притворѣние предáния вѣдѣй, на ней Иúду обличѣл есѣ, неисправленна úбо сегѡ вѣдѣй, познáти же всем хотя, я́ко во́лею предáлся есѣ, да мир исхитѣши от чуждаго, Долготерпелѣве, сла́ва Тебѣ.

Старшій: **От Иоáнна Святаго Евангелїя чтенїе**

Хор: Сла́ва страстем твоим Господи.

Старшій:

2 Евангелїе Иоанна 18:1-28

Во время оно, изыде Иисус со ученикѣ Своими на он пол пото́ка Ке́дрска, иде́же бе вертогра́д, во́ньже вни́де Са́м и ученицы́ Его́. Ведяше же Иúда преда́й Его́ мѣсто: я́ко мно́жицею собира́шеся Иисус ту со ученикѣ Своими. Иúда же приѣм спи́ру, и от архиерѣй и фарисѣй слугѣ, приѣде та́мо со свети́лы и свещáми и ору́жии. Иисус же вѣдѣй вся грядúщая Нань, изше́д рече́ им: когѡ и́щете? Отвещáша Ему́: Иисуса́ Назоре́а. Глаго́ла им Иисус: Аз есмь. Стоя́ше же и Иúда, и́же преда́ше Его́, с нѣми. Да я́коже рече́ им: Аз есмь, идѡша вспя́ть, и падѡша на земли́. Па́ки же вопро́си их Иисус: когѡ и́щете? онѣ же рѣша: Иисуса́ Назоре́а. Отвещá Иисус: Рех вам, я́ко Аз есмь. А́ще úбо Мене́ и́щете, оста́вите сих итѣ. Да сбúдется сло́во, е́же рече́: я́ко ихже дал есѣ́ Мне́, не погубѣх от них никогѡ́же. Сѣмон же Петр, и́мый нож, извлече́ Его́ и уда́ри архиерѣова раба́, и уре́за ему́ ухо десно́е: бе же Иимя рабу́ Малх. Рече́ же Иисус Петро́ви: вонзи́ нож в но́жницу. Ча́шу ю́же даст Мне́ Оте́ц, не и́мам ли пи́ти ея́? Спи́ра же и ты́сящник, и слугѣ́ иудѣйскїя я́ша Иисуса́, и связа́ша Его́. И ведѡ́ша Его́ ко А́нне пѣрвее: бе бо тесть Каиа́фе, и́же бе архиерѣй лѣту́ тому́. Бе же Каиа́фа да́вый совет иуде́ом, я́ко у́не есть еди́ному челове́ку умрѣти за лю́ди. По Иисусе́ же идя́ше Сѣмон Петр, и другѣй учени́к: учени́к же той бе зна́ем архиерѣови, и вни́де со Иисусом во двор архиерѣов. Петро́ же стоя́ше при двѣрех вне: изыде́ úбо учени́к той, и́же бе зна́ем архиерѣови, и рече́ двѣрни́це, и введе́ Петра́. Глаго́ла же раба́ двѣрни́ца Петро́ви: Еда́ и ты учени́к есѣ́ Челове́ка Сегѡ́? Глаго́ла он: несмь. Стоя́ху же раба́ и слугѣ́ огонь сотво́рше, я́ко зима бе, и грѣяху́ся: бе же с нѣми Петр сто́я и грѣя́ся. Архиерѣй же вопро́си Иисуса́ о учени́цех Его́, и о учѣнии́ Его́. Отвещá ему́ Иисус: Аз не обину́яся глаго́лах миру: Аз всегда́ учах на со́нмищих, и в це́ркви, иде́же всегда́ иуде́е снѣмлю́тся: и тай не глаго́лах ничесѡ́же. Что́ Мя вопро́шаешѣ? Вопро́си слы́шавших, что́ глаго́лах им: се сѣи вѣдят, я́же Рех Аз. Сїя́ же ре́кшу́ Ему́, еди́н от предсто́ящих слуг уда́ри в ланѣту

Иисуса, рек: тако ли отвечаеши архиереови? Отвещая ему Иисус: аще зле глаголах, свидетельствуй о зле: аще ли добре, что Мя биеши? Посла же Его Анна связана к Каиафе архиереови. Бе же Симон Петр стоя и греся. Реша же ему: Еда и ты от ученик Его еси? Он же отвержеся, и рече: несь. Глагола един от раб архиереев, южика сый, емуже Петр уреза ухо: не аз ли ты видех в вертограде с Ним? Паки убо Петр отвержеся, и абие петел возгласи. Ведоша же Иисуса от Каиафы в претор, бе же утро: и тий не внидоша в претор, да не осквернятся, но да ядят пасху.

Хор: Слава долготерпению Твоему, Господи.

Ударяют в колокол 2 раза

антифон 4, глас 5:

Днесь Иуда оставляет Учителя, и приемлет диавола, ослепляется страстию сребролюбия, отпадает Света омраченный: како бо можаше зрети, светило продавший на тридесятих сребреницах? Но нам возсия страдавший за мир, к немуже возопийм: пострадавший и сострадавший человеком, Господи, слава Тебе.

Днесь Иуда притворяет благочестие, и отчуждается дарования, сый ученик, бываает предатель: во обычном лобзании лесь покрывает, и предпочитает Владычния любве, несмысленно работати сребролюбю, наставник быв соборища беззаконнаго: мы же имуще спасение Христа, Того прославим.

Глас 1: Братолюбие стяжим яко во Христе братия, а не немилостивное еже к ближним нашим: да не яко раб осудимся немилостивый, пенязей ради, и яко Иуда раскаявшеся, ничтоже пользуемся.

Слава Отцу, и Сыну, и Святому Духу, и ныне и присно, и во веки веков, аминь.

Преславная о Тебе глаголашася вездѣ, яко родила еси плотию всех Творца, Богородице Мариѣ, Всепетая и Неискусобрачная.

Антифон 5, глас 6:

Ученик Учителя соглашаше цену, и на тридесятих сребреницах продаде Господа, лобзанием льстивным предай Его беззаконником на смерть.

Днесь глаголаше Зиждитель небесѣ и земли Своим учеником: приближися час, и приспе Иуда предай Мене, да никтоже отвержется Мене, видя Мя

на Крестѣ посреде́ двою разбо́йнику: стра́жду бо́ яко́ челове́к, и спасу́ яко́
Человеколю́бец, в Мя́ ве́рующыя.

Слава Отцу, и Сыну, и Святому Духу, и ныне и присно, и во веки веков,
аминь.

Неизрече́нно в послѣдняя́ заче́ншая и ро́ждшая Созда́теля Твоего́, Того́
моли́ спаст́ся душа́м на́шим.

Антифо́н 6, глас 7:

Днесь бдит Иу́да преда́ти Го́спода Превѣчнаго, Спаса ми́ра, и́же от пяти́
хлеб насѣтившаго мно́жества. Днесь беззаконный́ отме́тается Учи́теля,
учени́к быв, Влады́ку предаде́: сребро́м продаде́, ма́нною насѣтившаго
челове́ка. (Два́жды).

Днесь Кресту́ пригвозди́ша иудее́ Го́спода, пресе́кшаго мо́ре жезло́м, и
провѣдшаго их в пусты́ню. Днесь копи́ем ре́бра Егó прободо́ша, язвами
ра́нившего их ра́ди Египта: и же́лчию напои́ша, манну пи́щу им
одожди́вшего. (Два́жды).

Го́споди, на страсть во́льную прише́д, вопия́л еси́ учени́ком Тво́им: а́ще и
еди́наго часа́ не возмо́жете бде́ти со Мнóю, ка́ко обеща́стеся умре́ти Мене́
ра́ди? Поне́ Иуду зрите́, ка́ко не спит, но тщи́тся преда́ти Мя́ беззаконным.
Воста́ните, моли́теся, да не кто Мене́ отве́ржется, зря Мене́ на Крестѣ.
Долготерпели́ве, сла́ва Тебе́. (Два́жды).

Слава Отцу, и Сыну, и Святому Духу, и ныне и присно, и во веки веков,
аминь.

Ра́дуйся, Богоро́дице, невместима́го в небесе́х вмести́вшая во утро́бе
Твое́й, ра́дуйся, Де́во, проро́ков проповѣдание, Ё́юже нам возсия́
Еммануи́л: ра́дуйся, Ма́ти Христа́ Бо́га.

Хор: Го́споди, помилуй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и прѣсно и во ве́ки
веко́в, ами́нь.

Хор: Ами́нь

седа́лен, глас 7:

Кий ты образ, Иудо, предателя Спасу содела? Еда от лика ты апостольска разлучи? Еда дарования исцелений лиши? Еда со оными вечеряв, – тебе от трапезы отрину? Еда иных ноги умыв, – твой же презре? о коликих благ непаметлив был еси! И твой убо неблагодарный обличается нрав. Того же безмерное проповедуется долготерпение и велия милость.

Старший: От Матфея Святаго Евангелия чтение

Хор: Слава страстем твоим Господи.

Старший:

3 Евангелие Матфея 26:57-75

Во время оно, воины емше Иисуса ведоша к Каиафе архиереови, идеже книжницы и старцы собрашася. Петр же идяше по Нем издалеча, до двора архиереова: и вшед внутрь, седяше со слугами: видети кончину. Архиерее же и старцы, и сонм весь, искаху лжесвидетельства на Иисуса, яко да убийот Его. И не обретаху: и многим лжесвидетелем приступльшым, не обретоша. Послежде же приступиша два лжесвидетеля, реста: сей рече: могу разорити церковь Божию, и тремя деньми создати ю. И востав архиерей рече Ему: ничесоже ли отвечаеши, что сии на Тя свидетельствуют? Иисус же молчаше. И отвечав архиерей рече Ему: заклинаю Тя Богом живым, да речеши нам, аще Ты еси Христос Сын Божий? Глагола ему Иисус: ты рече. Обаче глаголю вам: отселе узрите Сына Человеческаго, седяща одесную силы, и грядуща на облацех небесных. Тогда архиерей растерза ризы Своя, глаголя: яко хулу глагола, что еще требуем свидетелей? Се ныне слышасте хулу Его. Что ся вам мнит? Они же отвечающе реща: повинен есть смерти. Тогда заплеваша лице Его, и пакости Ему деяху, обвии же за ланиту удариша, глаголюще: прорцы нам, Христе: кто есть ударей Тя? Петр же вне седяше во дворе, и приступи к нему едина рабыня, глаголющи: и ты бе со Иисусом Галилейским. Он же отвержеся пред всеми, глаголя: не вем что глаголеши. Изшедшу же ему ко вратом, узре его другая, и глагола им ту: и сей бе со Иисусом Назореом. И паки отвержеся с клятвою, яко не знаю Человека. Помале же приступивше стоящий, реща Петрови: воистинну и ты от них еси, ибо беседа твоя яве ты творит. Тогда начат ротитися и клятися: яко не знаю Человека, и абие петел возгласи. И помяну Петр глагол Иисусов, реченный ему, яко прежде даже петел не возгласит, трикраты отвержешися Мене: и изшед вон, плакася горько.

Хор: Слава долготерпению Твоему, Господи.

Ударяют в колокол 4 раза

антифон 7, глас 8:

Емшым Тя беззаконным, претерпевая сиче вопиял еси, Господи: аще и поразите Пастыря, и расточите дванадесять овец ученики Моя, можахъ вѣще нежели дванадесяте легионовъ представити Ангеловъ: но долготерплю, да исполнятся, яже явихъ вамъ пророки Моими, безвѣстная и тайная. Господи, слава Тебѣ. (Дважды).

Трици отвѣргся Петр, абие реченное ему разумѣ, но принесѣ к Тебѣ слезы покаяния: Боже, очисти мя и спаси мя. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Яко врата спасительная, и рай красивый, и Света присносущнаго облак, сущую Святую Дѣву воспоймъ вси глаголюще Ей, еже радуйся.

Антифонъ 8, гласъ 2:

Рцѣте, беззаконнии, что слышасте отъ Спаса нашего? Не законъ ли положи, и пророческая учения? како убо помыслисте Пилату предати, Иже отъ Бога Слова, и Избавителя душъ нашихъ. (Дважды).

Да распнѣтся, вопияху Твоихъ дарованийъ присно наслаждающийся, и злодея вместо благодетеля прошаху прияти праведниковъ убийцы; молчалъ же еси, Христѣ, терпя ихъ суровство, пострадаши хотя и спасти насъ, яко Человеколюбецъ. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Яко не имамы дерзновения, за премногия грехи наша, ты Иже отъ Тебѣ рождагося, моли, Богородице Дѣво: много бо можетъ моление Матернее ко благосердию Владыки. Не презри грешныхъ мольбы, Всечистая, яко милостивъ есть, и спасти могый, иже и страдаши о насъ изволивый.

Антифонъ 9, гласъ 3:

Поставиша тридесять серебряниковъ, цену Цененнаго, Егоже оцениша отъ сыновъ Израилевыхъ. Бдите и молитесь, да не внидете во искушение, духъ убо бодръ, плоть же немощна, сего ради бдите. (Дважды).

Даша в снѣдь Мою желчь, и в жажду Мою напоиша Мя отца, Ты же, Господи, Возстави Мя, и воздамъ имъ. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Иже от язык, поем Тя, Богородице Чистая, яко Христа Бога нашего родила еси, от клятвы человеки Тобою свободждаша.

Хор: Господи, помилуй. *Трижды*

Чтец: Слава Отцу и Сыну и Святому Духу и ныне и присно и во веки веков, аминь.

Хор: Аминь

седален, глас 8:

О како Иуда иногда Твой ученик, предательству поучашеся на Тя, свечеря льстивно, наветник и неправедник, шед рече священником: что ми подаете, и предам вам онаго, закон разорившаго и осквернившего субботу? Долготерпеливе Господи, слава Тебе.

Старший: От Иоанна Святаго Евангелия чтение

Хор: Слава страстем твоим Господи.

Старший:

4 Евангелие Иоанна 18:28-19:16

Во время оно, ведоша Иисуса от Каиафы в претор: бе же утро: и ти не внидоша в претор, да не осквернятся, но да ядят пасху. Изыде же Пилат к ним вон, и рече: кую речь приносите на человека сего? Отвещаша и реша ему: аще не бы был Сей злодей, не быхом предали Его тебе. Рече же им Пилат: поимите Его вы, и по закону вашему судите Ему. Реша же ему иудее: нам недостойт убить никогоже. Да слово Иисусово сбудется, еже рече, назнаменуя кою смертию хотяше умерети. Вниде же паки Пилат в претор, и гласи Иисуса, и рече Ему: Ты ли еси Царь иудейск? Отвещаша ему Иисус: о себе ли ты сие глаголеши, или инии тебе рекоша о Мне? Отвещаша Пилат: Еда аз жидовин есмь? Род Твой и архиереи предаша Тя мне, что еси сотворил? Отвещаша Иисус: Царство Моё несть от мира сего. Аще от мира сего было бы Царство Моё, слуги Мои убо подвизалися быша, да не предан бых был иудеом: ныне же Царство Моё несть отсюда. Рече же ему Пилат: убо царь ли еси Ты? Отвещаша Иисус: ты глаголеши, яко Царь есмь Аз. Аз на сие родихся, и на сие приидох в мир, да свидетельствую истину, и всяк, иже есть от истины, послушает гласа Моего. Глагола ему Пилат: что есть истина? И сие рек, паки изыде ко иудеом, и глагола им: аз ни единыя вины обретаю в Нем. Есть же обычай вам, да единого вам отпущу на пасху: хощете ли убо, да отпущу вам Царя Иудейска? Возопиша же паки

вси, глаголюще: не Сего, но Варавву: бе же Варавва разбойник. Тогда убо Пилат поят Иисуса, и би Его. И воины сплетше венец от терния, возложивша Ему на главу, и в ризу багряну облековша Его, и глаголаху: радуйся, Царю Иудейский. И бияху Его по ланитоме. Изыде же паки вон Пилат, и глагола им: се извожу Его вам вон, да разумете, яко в Нем ни единыя вины обретаю. Изыде же вон Иисус, нося терновен венец и багряну ризу. И глагола им: Се Человек. Егда же видеша Его архиереи и слуги, возопиша глаголюще: распни, распни Его. Глагола им Пилат: поимите Его вы, и распните, аз бо не обретаю в Нем вины. Отвещаша ему иудеи: мы закон имамы, и по закону нашему должен есть умерети, яко Себе Сына Божия сотвори. Егда же слыша Пилат сие слово, паче убоися. И вниде в претор паки, и глагола Иисусови: откуда еси Ты? Иисус же ответа не даде ему. Глагола же Ему Пилат: мне ли не глаголеши? Не веси ли, яко власть имам распяти Тя, и власть имам пустити Тя? Отвещаша Иисус: не имаша власти ни единыя на Мне, аще не бы ти дано свыше: сего ради предавый Мя тебе болий грех имать. От сего искаше Пилат пустити Его. Иудеи же вопияху, глаголюще: аще сего пустиши, неси друг кесарев. Всяк, иже царя себе творяй, противится кесарю. Пилат же, слышав сие слово, изведе вон Иисуса, и седи на судищи, на месте глаголемем Лифостротон, еврейски же Гаввафа. Бе же пятък Пасце, час же яко шестый: и глагола иудеом: Се Царь ваш. Они же вопияху: возми, возми, распни Его. Глагола им Пилат: Царя ли вашего распну! Отвещаша архиереи: не имамы царя, токмо кесаря. Тогда же предаде Его им, да распнётся.

Хор: Слава долготерпению Твоему, Господи.

Ударяют в колокол 4 раза

антифон 10, глас 6:

Одейся светом яко ризою, наг на суде стояше, и в ланиту ударение прият от рук, ихже созда: беззаконнии же людие на Кресте пригвоздиша Господа славы: тогда завеса церковная раздрася, солнце померче, не терпя зрети Бога досаждаема, Егоже трепещут всяческая: Тому поклонимся. (Дважды).

Ученик отвержеся, разбойник возопи: помяни мя, Господи, во Царствии Твоем. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Умири мир, от Девы изволивый, Господи, плоть носити за рабы, да согласно Тебе славословим, Человеколюбче.

Антифóн 11, глас 6:

За благáя, яже сотворíл еси́, Христé, рóду еврейскому, распя́ти Тя осудíша, о́цта и жéлчи напои́вше Тя. Но даждь им, Гóсподи, по делóм их, я́ко не разумéша Твоегó снизхождéния. (Два́жды).

О предáтельстве недовóльни бы́ша, Христé, рóди еврейстии, но покива́ху глава́ми своїми, хулу́ и ругáние принося́ще. Но даждь им, Гóсподи, по делóм их, я́ко не разумéша Твоегó смотрénия. (Два́жды).

Нижé земл́я я́ко потрясéся, нижé ка́мение я́ко разсéдeся, евреев увещáша: нижé церкóвная завéса, нижé мёртвых воскресéние. Но даждь им, Гóсподи, по делóм их, я́ко тщéтным на Тя поучи́шася. (Два́жды).

Слава Отцу, и Сыну, и Святому Духу, и ныне и присно, и во веки веков, аминь.

Бога от Тебé воплощённаго позна́хом, Богорóдице Дéво, Ед́ина Ч́истая, Ед́ина Благословéнная: тем непрестáнно Тя воспева́юще велича́ем.

Антифóн 12, глас 8:

Сия́ глаго́лет Господь иудéом: лю́дие Мой, что́ сотвори́х вам? Или́ чим вам стужíх? Слепцы́ ва́ша просветíх, прокажéнные очíстих, мýжа сýща на одре́ возста́вих. Лю́дие Мой, что́ сотвори́х вам? И что́ Ми возда́сте? За ма́нну, желчь: за во́ду, о́цет: за е́же любíти Мя, ко Кресту́ Мя пригвозди́сте. Ктому́ не терплю́ прóчее, призову́ Моя́ язы́ки, и т́ии Мя просла́вят со Отце́м и Дýхом, и Аз им да́рую Живóт Вéчный. (Два́жды).

Днесь церкóвная завéса, на обличéние беззакóнных раздира́ется, и со́лнце лучи́ своя́ скрывает Влады́ку зря распина́ема. (Два́жды).

Законополо́жницы Изра́илевы, иудее́ и фарисее́, лик апóстольский вопи́ет к вам: се Храм, Егóже вы разори́сте: се Агнец, Егóже вы распя́сте, и грóбу преда́сте, но вла́стию Своёю воскресе́. Не льстите́ся, иудее́: Той бо есть, Ё́же в мóри спáсый, и в пусты́ни пита́вый: Той есть Живóт, и Свет, и Мир мíрови. (Два́жды).

Слава Отцу, и Сыну, и Святому Духу, и ныне и присно, и во веки веков, аминь.

Ра́дуйся, врата́ Царя́ Сла́вы, я́же Вы́шний Ед́ин прóйде, и па́ки запечатлéнна оста́ви, во спасéние душ на́ших.

Хор: Гóсподи, помíлуй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и прíсно и во ве́ки веко́в, ами́нь.

Хор: Ами́нь

седáлен, глас 8:

Егда́ предста́л еси́ Каиа́фе, Бо́же, и преда́лся еси́ Пила́ту, Судии́е, Небе́сныя Си́лы от стра́ха поколеба́шася. Егда́ же возне́слся еси́ на дре́во, посреде́ двою́ разбо́йнику вмени́лся еси́ с беззакóнными, Безгрéшне, за е́же спасти́ челове́ка: незлобíве Гóсподи, сла́ва Тебе́.

Старший: **От Матфея** □ **Святаго Евангелия чтение**

Хор: Сла́ва страстем твоим Господи.

Старший:

5 Евангелие Матфея 27:3-32

Во вре́мя о́но, ви́дев Иу́да преда́вый Иису́са, я́ко осуди́ша Егó, раска́явся возврати́ три́десять сребреники архиере́ем и ста́рцем, глаго́ля: согрешíх, преда́в кровь непови́нную. Онí же рéша: что́ есть нам? Ты у́зриши. И поверг сребреники в це́ркви, отыде, и шед удави́ся. Архиере́е же приéмше сребреники, рéша: недостóйно есть вложíти их в корва́ну: понéже цена́ кро́ве есть. Совет же сотвори́ше купи́ша íми село́ скуде́льниче, в погребáние страна́ным. Те́мже нарече́ся село́ то, Село́ Кро́ве, до сегó дне. Тогда́ сбýтся рече́нное Иеремíем проро́ком глаго́лющим: и при́яша три́десять сребреник це́ну Ценéннаго, Егóже ценíша от сыно́в Изра́илев: И да́ша я́ на селе́ скуде́льничи, я́коже сказа́ мне Господь. Иису́с же ста пред игемо́ном, и вопро́си Егó иге́мон, глаго́ля: Ты ли еси́ Царь Иуде́йский? Иису́с же рече́ ему́: ты глаго́лещи. И егда́ Нань глаго́лаху архиере́е и ста́рцы, ничесóже отве́щавáше. Тогда́ глаго́ла Ему́ Пила́т: не слы́шиши ли, коли́ко на Тя свиде́тельствуют? И не отве́ща́ ему́ ни к еди́ному глаго́лу: я́ко дивíтися иге́мону зело́. На всяк же пра́здник обы́чай бе иге́мону отпу́щати еди́наго наро́ду свя́зныя, егóже хотя́ху. И́мяху же тогда́ связа́на наро́чита, глаго́лемаго Варáвву. Со́бранным же им, рече́ им Пила́т: когó хóщете от обою́ отпу́щу вам, Варáвву ли, íли Иису́са, глаго́лемаго Христá? Ве́дяше бо, я́ко за́висти ра́ди преда́ша Егó. Седя́щу же ему́ на суди́щи, посла́ к Немú жена́ егó, глаго́лющи: ничто́же тебе́, и Пра́веднику Тому́: мно́го бо пострада́х днесь во сне́ Егó ра́ди. Архиере́е же и ста́рцы наустíша наро́ды, да испро́сят Варáвву, Иису́са же погубя́т. Отве́щав же иге́мон рече́ им: когó хóщете от обою́ отпу́щу вам? Онí же рéша: Варáвву.

Глаго́ла им Пила́т: что́ убо сотворю́ Иису́су, глаго́лемому Христу́?
Глаго́лаша ему́ вси: да распят бу́дет. Иге́мон же рече́: кое́ убо зло сотвори́,
они́ же излиха вопи́яху, глаго́люще: да про́пят бу́дет. Ви́дев же Пила́т, я́ко
ничто́же успева́ет, но па́че молва́ быва́ет, прие́м во́ду, умы́ ру́це пред
наро́дом, глаго́ля: непови́нен есмь от кро́ве пра́веднаго Сего́, вы у́зрите. И
отвеща́вше вси лю́дие рэ́ша: кро́вь Его́ на нас и на ча́дех на́ших. Тогда́
отпусти́ им Варавву: Иису́са же бив, предаде́ им, да Его́ про́пнут. Тогда́
вои́ни иге́моновы прие́мше Иису́са на суди́ще, собра́ша Нань все
мно́жество во́ин. И совлэ́кше Его́, оде́яша Его́ хламидо́ю червлéною. И
сплётше венéц от те́рния, возложи́ша на главу́ Его́, и трость в десни́цу Его́:
и поклóншеся на колéну пред Ним, руга́хуся Ему́, глаго́люще: ра́дуйся,
Царю́ Иуде́йский. И плю́нувшe Нань, при́яша трость, и бия́ху по главé Его́.
И егда́ поруга́шася Ему́, совлеко́ша с Него́ багряни́цу, и облеко́ша Его́ в
ри́зы Его́: и ведо́ша Его́ на про́пятие. Исходя́ще же обрето́ша челове́ка
киринéйска, и́менем Си́мона: и сему́ задéша понести́ Крест Его́.

Хор: Сла́ва долготерпéнию Твоему́, Го́споди.

Ударяют в колокол 5 раз

антифо́н 13, глас 6:

Собра́ние иуде́йское у Пила́та испроси́ша распя́ти Тя, Го́споди:
вины́ бо в Тебе́ не обрётше, повиннаго Варавву свободи́ша, и Тебе́
пра́веднаго осуди́ша, скве́рнаго убий́ства грех насле́довавше. Но даждь
им, Го́споди, воздая́ние их, я́ко тще́тным на Тя поучи́шася. (Два́жды).

Его́же вся ужаса́ются и трепéщут, и всяк язы́к поёт Христа́, Бо́жию
си́лу и Бо́жию Пре́мудрость, священни́цы за лани́ту уда́риша, и да́ша
Ему́ желчь. И вся пострада́ти изво́ли, спасти́ ны хотя́ от беззако́ний
на́ших Своёю Кро́вию, я́ко Человеколю́бец. (Два́жды).

Слава Отцу, и Сыну, и Святому Духу, и ныне и присно, и во веки веков,
аминь.

Богоро́дице, ро́ждшая Сло́вом па́че сло́ва, Созда́теля Своего́, Того́
моли́ спасти́ ду́шы на́ша.

Антифо́н 14, глас 8:

Го́споди, и́же разбо́йника спúтника прие́мый, в кро́ви ру́це
оскверни́вшего: и нас с ним причти́, я́ко Благ и Человеколю́бец.
(Два́жды).

Мал глас испусті разбóйник на крестé, вéлию вéру обрéте, во едíном мгновéнии спасéся, и пёрвый райская вратá отвéрз внíде: íже тогó покаяние восприéмый, Гóсподи, слава Тебé. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Рáдуйся, Ангелом рáдость мíра приéмшая. Рáдуйся, рóждшая Творца Твоегó и Гóспода, рáдуйся, сподóбльшаяся бýтия Мати Бóжия.

*Антифóн 15, глас 6:
Выно́сится распя́тие*

Днесь вíсит на дрéве, Ё́же на вода́х зéмлю повéсивый: венце́м от тёрния облага́ется, Ё́же Ангелов Царь: в лóжную багрянíцу облача́ется, одева́яй нéбо óблаки: зауше́ние при́ят, íже во Иорда́не свободíвый Адама: гвоздьми́ пригвозди́ся Жени́х Церко́вный: копиéм прободéся Сын Дéвы. Покланя́емся страсте́м Твои́м, Христé. Покланя́емся страсте́м Твои́м, Христé. Покланя́емся страсте́м Твои́м, Христé: покажи́ нам и сла́вное Твоé Воскресéние. (Дважды).

Не я́ко иудее́ празднуем, íбо па́сха на́ша за ны пожрэ́ся Христóс: но очíстим са́ми себе́ от вся́кия сквёрны и чíсте помóлимся Емú: воскресни́, Гóсподи, спаси́ нас, я́ко Человеколю́бец. (Дважды).

Крест Твой, Гóсподи, жизнь и заступле́ние лю́дем Твои́м есть, и нань наде́ющесея, Тебé, распя́таго Бóга на́шего, поём, поми́луй нас. (Дважды).

Слава Отцу, и Сыну, и Святому Духу, и ныне и присно, и во веки веков, аминь.

Вíдящи Тя вíсима, Христé, Тебé рóждшая, вопия́ше: что́ стра́нное ё́же вíжду та́инство, Сýне Мой? Ка́ко на дрéве умира́еши плóтию водруже́н, жи́зни Подáтелю?

Хор: Гóсподи, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и прíсно и во ве́ки веко́в, ами́нь.

Хор: Ами́нь

Седáлен, глас 4:

Искупи́л ны еси́ от клятвы зако́нныя Честно́ю Твое́ю Кро́вию, на Кресте́ пригвозди́вся, и копи́ем пробод́ся, безсме́ртие источи́л еси́ челове́ком, Спа́се наш, сла́ва Тебе́.

Старший: От Марка Святаго Евангелія чтение

Хор: Сла́ва страстем твоим Господи.

Старший:

6 Евангелие Марка 15:16-32

Во вре́мя оно́, во́ини ведо́ша Иису́са внутрь двора́, е́же есть прето́р, и созва́ша всю спи́ру. И облеко́ша Его́ в препря́ду, и возложи́ша на Него́ сплётше терно́в венец. И нача́ша целова́ти Его́ (и глаго́лати): ра́дуйся, Царю́ Иуде́йский. И бия́ху Его́ по главé тростию́, и плюва́ху на Него́: и прегиба́юще колéна поклоня́хуся Ему́. И егда́ поруга́шася Ему́, совлеко́ша с Него́ препря́ду, и облеко́ша Его́ в ризы́ Своя́: и изведо́ша Его́, да про́пнут Его́. И задéша мимоходя́щу не́коему Симо́ну Кири́нею (гряду́щу с села́, отцу́ Алекса́ндрову и Ру́фову), да во́змет Крест́ Его́. И приведо́ша Его́ на Голго́фу ме́сто, е́же есть сказа́емо, ло́бное ме́сто. И да́ху Ему́ пи́ти есмирнисме́но вино́. Он же не при́ят. И распéншии Его́ раздели́ша ризы́ Его́, мета́юще жре́бий о них, кто что во́змет. Бе же час тре́тий, и распя́ша Его́. И бе написáние ви́ны Его́ напи́сано: Царь Иуде́йск. И с Ним распя́ша два разбо́йника: еди́наго одесну́ю, и еди́наго ошу́юю Его́. И сб́йтся Писáние, е́же глаго́лет: и со беззакóнными вмени́ся. И мимоходя́щии хуля́ху Его́, покива́юще глава́ми сво́ими, и глаго́люще: уа́, разоря́й це́рковь, и тре́ми дэ́ньми созида́яй: спаси́ся Сам, и сн́ди с Крестá. Та́коже и архиере́е, руга́ющиеся друг ко дру́гу с кни́жники, глаго́лаху: и́ны спасе́, Себе́ ли не мо́жет спасти́? Христос́ Царь Изра́илев да сн́дет ны́не с Крестá, да ви́дим, и ве́ру имем́ Ему́.

Хор: Сла́ва долготерпéнию Твоему́, Го́споди.

Ударяют в колокол 6 раз

Та́же поём блаже́нны, глас 4:

Во Ца́рствии Твоём помяни́ нас, Го́споди, егда́ при́идеши во Ца́рствии Твоём.

Блаже́ни ни́щии ду́хом, я́ко тех есть Ца́рство Небе́сное.

Блаже́ни пла́чущий, я́ко ти́и утэ́шатся.

Блаже́ни кро́тцыи, я́ко ти́и насле́дят зéмлю.

Блажéни áлчущии и жáждущии прáвды, я́ко тии насáбитяся.

Дрéвом Адáм рая́ бысть изселéн, дрéвом же Крéстным разбóйник в рай вселíся: ов úбо вкушь, зáповедь отвéрже Сотвóршаго, ов же сраспина́ем, Бóга Тя исповéда таящагося. Помяни́ и нас, Спáсе, во Цáрствии Твоéм.

Блажéни мíлостивии, я́ко тии помíловани бóдут.

Закóну Творца́ от ученика́ купи́ша беззакóннии, и я́ко законопрестúпника, тогó Пилáтову судíщу предстáвиша, зовúще: распни́, в пусты́ни сим маннодáвшаго. Мы же правéднаго разбóйника подражáвше, véрою зовéм: помяни́ и нас, Спáсе, во Цáрствии Твоéм.

Блажéни чíстии сéрдцем, я́ко тии Бóга úзрят.

Богоубíйц собóр, иудéйский язык беззакóнный к Пилáту неýстовне зовúй, и глагóлаше: распни́ Христá неповíннаго, Варáвву же пáче нам отпусти́. Мы же вещáим к Немú разбóйника благоразúмнаго глас: помяни́ и нас, Спáсе, во Цáрствии Твоéм.

Блажéни миротвóрцы, я́ко тии сýнове Бóжии нареку́тся.

Живонóсная Твоя́ рéбра, я́ко из Едéма истóчник источáющая, Цéрковь Твою́, Христé, я́ко словéсный напáет рай, отсúду разделя́ясь я́ко в начáла, в четýри Евáнгелиа, мир напáяя, тварь веселя́, и язýки véрно научáя поклоня́тися Цáрствию Твоeмú.

Блажéни изгнáни прáвды рáди, я́ко тех есть Цáрство Небéсное.

Распýлся есí менé рáди, да мне источи́ши оставлéние: прободéн был есí в рéбра, да кáпли жíзни источи́ши ми: гвоздьми́ пригвоздýлся есí, да аз глубинóю страстéй Твои́х в высотé держáвы Твоея́ уверяе́мь, зову́ Ти: Живодáвче Христé, слáва Крестú, Спáсе, и страсти́ Твоeй.

Блажéни естé, егдá понóсят вам, и изженúт, и рекúт всяк зол глагóл, на вы лжúще Менé рáди.

Распина́ему Тебé, Христé, вся тварь вíдящи трепетáше, основáния землí колебáхуся, стрáхом держáвы Твоея́, светíла скрывáхуся, и церкóвная раздрáся завéса, гóры вострепетáша, и кáмение разсéдeся, и разбóйник véрный зовéт с нáми, Спáсе, éже: помяни́ во Цáрствии Твоéм.

Ра́дуйтеся и веселíteся, я́ко мзда ва́ша мно́га на Небесéх.

Рукописа́ние на́ше на Крестé растерза́л еси́, Го́споди, и вмени́вся в ме́ртвых, та́мошняго мучíteля связа́л еси́, изба́вь всех от уз сме́ртных Воскресе́нием Твои́м, и́мже просвети́хомся, Человеколю́бче Го́споди, и вопие́м Тебе́: помяни́ и нас, Спа́се, во Ца́рствии Твоём.

Сла́ва Отцу́, и Сы́ну, и Свято́му Ду́ху.

Отца́, и Сы́на, и Ду́ха Свята́го, вси единому́дренно ве́рнии славосло́вити досто́йно помóлимся, еди́ницу Бо́жества, в три́ех Су́щую Ипостáсах, Неслия́нну, Пребывáющую, Прóсту, Неразде́льну и Непристу́пну, Ёю́же избавля́емся о́гненнаго мучéния.

И ны́не, и прísно, и во ве́ки веко́в. Ами́нь.

Ма́терь Твою́, Христé, плóтию безсе́менно ро́ждшую Тя, и Дéву вои́стинну, и по Рождестве́ пребыв́шую нетле́нну. Сию́ Тебе́ привóдим в моли́тву, Влады́ко Многоми́лостиве, прегреше́ний прощéнию дарова́тися всегда́ зову́щим: помяни́ нас, Спа́се, во Ца́рствии Твоём.

Хор: Го́споди, помíлуй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и прísно и во ве́ки веко́в, ами́нь.

Хор: Ами́нь

Чтец: Прокíмен, глас четвёртый: Раздели́ша рíзы Моя́ себе́, и о оде́жди Моéй метáша жре́бий.

Лик: Раздели́ша рíзы Моя́ себе́, и о оде́жди Моéй метáша жре́бий.

Чтец: Бо́же, Бо́же мой, вонми́ ми, вску́ю остави́л мя еси́?

Лик: Раздели́ша рíзы Моя́ себе́, и о оде́жди Моéй метáша жре́бий.

Чтец: Раздели́ша рíзы Моя́ себе́.

Лик: И о оде́жди Моéй метáша жре́бий.

Старший: От Матфея Святаго Евангелия чтение

Хор: Сла́ва страстем твоим Господи.

Старший:

7 Евангелие Матфея 27:33-54

Во время оно, пришедше воины на место нарицаемое Голгофа, еже есть Краниево место, даша Иисусу пити оцет с желчию смешен: и вкушь, не хотяше пити. Распёншии же Его, разделиша ризы Его вергше жребия: И седяще стрежаху Его ту, И возложиши верху главы Его вину Его написану: Сей есть Иисус Царь иудейский. Тогда распяша с Ним два разбойника, единого одесную и единого ошуюю. Мимоходящии же хуляху Его, покиваяюще главами Своими. И глаголюще: разоряй церковь, и тремі дёньми созидай, спасіся Сам: аще Сын еси Божий, сніди со Креста. Такожде же и архиерее, ругающеса с книжники и старцы и фарисеи, глаголаху: Иныя спасе, Себе ли не может спасти? Аще Царь Израилев есть, да снідет ныне со Креста, и веруем в Него. Упова на Бога: да избавит ныне Его, аще хощет Ему: рече бо, яко Божий есмь Сын. Тожде же и разбойника распятая с Ним поношаста Ему. От шестаго же часа тьма бысть по всей земли до часа девятого. О девятом же часе возопи Иисус гласом велиим, глаголя: Или, Или, лим савахфани? Еже есть Боже Мой, Боже Мой, вскую Мя еси оставил? Нещии же от ту стоящих слышавше, глаголаху: яко Илию глашает Сей. И абие тек един от них, и прием губу, исполнив же оцта, и вонзе на трость, напаяше его. Прочии же глаголаху: остави, да видим, аще приидет Илия спасти Его. Иисус же, паки возопив гласом велиим, испусті дух. И се завеса церковная раздрася на двое, с Вѣшняго края до нижняго: и земля потрясеса, и камене распадеса. И гроби отверзоса, и многа телеса усопших святых восташа: И изшедше из гроб по Воскресении Его, внидоша во Святыи град, и явися мнозем. Сотник же и иже с ним стрегущии Иисуса, видевшие трус и бывшая, убояшася зело, глаголюще: воистинну Божий Сын бе Сей.

Хор: Слава долготерпению Твоему, Господи.

Ударяют в колокол 7 раз

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость

спасения Твоего, и Духом Владычним утверди мя. Научу незаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Старший: **От Луки Святаго Евангелія чтение**

Хор: Слава страстем твоим Господи.

Старший:

8 Евангелие Луки 23:32-49

Во время оно, ведяху со Иисусом и ина два злодея, с Ним убити. И егда приидоша на место нарицаемое лобное, ту распяша Его, и злодея, оваго убо одесную, а другаго ошуюю. Иисус же глаголаше: Отче, отпусти им, не вѣдят бо, что творят. Разделяюще же ризы Его, метяху жребия. И стояху людие зряще. Ругахуся же и князи с ними, глаголюще: инья спасе, да спасет и Себе, аще Той есть Христос Божий избранный. Ругахуся же Ему и воины, приступающе, и оцет придеюще Ему. И глаголаху: аще Ты еси Царь Иудейск, спасися Сам. Бе же и написание написано над Ним писменъ еллинскими, и римскими, и еврейскими: Сей есть Царь Иудейск. Един же от обещеною злодею хуляше Его, глаголя: аще Ты еси Христос, спаси Себе и наю. Отвещав же другий, прещаше ему, глаголя: ни ты ли боишися Бога, яко в томже осужден еси? И мы убо в правду, достойная бо по делом наю восприемлева; Сей же ни единого зла сотвори. И глаголаше Иисусови: помяни мя, Господи, егда приидеши во Царствии Си. И рече ему Иисус: аминь глаголю тебе, днешь со Мною будеши в рай. Бе же час яко шестый, и тьма бысть по всей земли до часа девятого. И померче солнце и завеса церковная раздрася посреде. И возгласъ гласом велиим Иисус, рече: Отче, в руке Твоей предаю дух Мой: и сия рек издше. Видев же сотник бывшее, прослави Бога, глаголя: воистинну Человек Сей праведен бе. И вси пришедши народи на позор сей, видяще бывающая, биюще перси своя, возвращахуся. Стояху же вси знаемии Его издалеча, и жены споследствовавшия Ему от Галилеи, зряще сих.

Хор: Слава долготерпению Твоему, Господи.

Ударяют в колокол 8 раз

Канон

Песнь 5

Ирмос: К Тебѣ утренюю, милосѣрдия ради Себѣ истощившему непреложно, и до страстей безстрастно преклоншемуся, Слове Божий, мир подаждь ми падшему, Человеколюбче. (Дважды).

Привѣ: Слава Тебѣ, Боже наш, слава Тебѣ.

Умывше ноги, и предочистившися Таинства Причащением Божественнаго ныне, Христѣ, Твоего, служителие от Сиона на Елеонскую гору великую с Тобою въздоша, поюще Тя, Человеколюбче. (6 раз).

Слава Отцу, и Сыну, и Святому Духу, и ныне и присно, и во веки веков, аминь.

Зрите, рекл еси, друзи, не бойтесь, ныне бо приближися час, яту Ми быти, и убиену рукама беззаконных: вси же расточитесь, Мене оставивше, ихже соберу проповѣдати Мя, Человеколюбца.

Ирмос: К Тебѣ утренюю, милосѣрдия ради Себѣ истощившему непреложно, и до страстей безстрастно преклоншемуся, Слове Божий, мир подаждь ми падшему, Человеколюбче.

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки веков, аминь.

Хор: Аминь

Таже кондак, глас 8:

Нас ради распятого, приидите вси, воспойм: Того бо виде Маріа на древе, и глаголаше: аще и распятие терпиши, Ты еси Сын и Бог Мой.

Икос: Своего Агнца Агница зрящи к заколению влекома, последоваше Маріа простертыми власы со инеми женами, сия вопиющи: камо идеши, Чадо; чесо ради скорое течение совершаеши? Еда другий брак паки есть в Кане Галилейстей, и тамо ныне тщишися, да от воды им вино сотвориши? Иду ли с Тобою, Чадо, или паче пожду Тебѣ? Дажь Ми слово, Слове, не молча мимоиди Мене, чисту соблюдыи Мя: Ты бо еси Сын и Бог Мой.

Песнь 8

Ирмос: Столп злобы богопротивныя Божественнии отроцы обличыша: на Христа же шатающееся беззаконных соборище советует тщетная, убити

поучается, живёт Держащаго дланию: Егóже вся тварь благословит, сла́вящи во ве́ки.

Сла́ва Тебе́, Бо́же наш, сла́ва Тебе́.

От ве́ждей ученико́м ны́не сон, рекл еси́, Христе́, отрясите, в моли́тве же бдите, да не в напáсть вни́дете, и наипáче, Симо́не: крепча́йшему бо бо́лий иску́с. Разуме́й Мя, Петро́: Егóже вся тварь благословит, сла́вящи во ве́ки. (Три́жды).

Сла́ва Тебе́, Бо́же наш, сла́ва Тебе́.

Скве́рна сло́ва усте́н, никогда́же изреку́ Тебе́, Влады́ко, с Тобо́ю умру́ я́ко благо́разуме́н, а́ще и вси отве́ргутся, возопи́ Петр: ни плоть, ниже́ кровь, но Оте́ц Твой откры́ ми Тя: Егóже вся тварь благословит, сла́вящи во ве́ки. (Три́жды).

Сла́ва Тебе́, Бо́же наш, сла́ва Тебе́.

Глубину премúдрости Божéственныя и рáзума, не всю испы́тал еси́, бездну же мо́их суде́б не пости́гл еси́, челове́че, Го́сподь рече́: плоть у́бо сый не хвали́ся, три́жды бо отве́ржешися Мене́: Егóже вся тварь благословит сла́вящи во ве́ки. (Три́жды).

Благослови́м Отца́, и Сы́на, и Свята́го Ду́ха, Го́спода. и ны́не и присно, и во веки веков, аминь.

Отрица́ешися, Симо́не Петре, е́же сотвори́ши ско́ро, я́коже рече́ся, и к тебе́ отрокови́ца еди́на прише́дши устраши́т тя, Го́сподь рече́: го́рце прослезив, обря́щещи Мя обáче ми́лостива: Егóже вся тварь благословит, сла́вящи во ве́ки.

Хва́лим, благослови́м, покланя́емся Го́сподеву, по́бюще и превозно́сяще во вся ве́ки.

Ирмо́с: Столп злóбы богопроти́вныя Божéственнии о́троцы обличи́ша: на Христа́ же шата́ющееся беззако́нных собо́рище сове́тует тщéтная, уби́ти поучается, живёт Держащаго дланию: Егóже вся тварь благословит, сла́вящи во ве́ки.

Ирмос: Честнейшую Херувим, и славнейшую без сравнения Серафим, без ислѣния Бѳга Слѳва рѳждшую, сущую Богородицу Тя величаем.

Слава Тебѳ, Бѳже наш, слава Тебѳ.

Пагубное собѳрище богомѳрзких, лукавнующих богоубийц сонмище, предста, Христѳ, Тебѳ, и яко неправедника влѳчаше, Зиждителя всех, Егѳже величаем. (Трижды).

Слава Тебѳ, Бѳже наш, слава Тебѳ.

Закѳна не разумѳюще нечестивии, гласом прорѳческим поучающесе вотщѳ, яко овчѳ влѳчѳху Тя, всех Владыку, неправедно заклѳти: Егѳже величаем. (Трижды).

Слава Тебѳ, Бѳже наш, слава Тебѳ.

Языком изданную жизнь, с книжники убиты священницы предаху, уязвлени самозавистною злобою, естеством Животодавца, Егѳже величаем. (Трижды).

Слава Отцу, и Сыну, и Святому Духу, и ныне и присно, и во веки веков, аминь.

Обыдоша яко пси мнози, и удариша, Царю, ланиту Твою заушением: вопрошаху Тя, Тебѳ же лѳжна свидѳтельствоваху. И вся претерпѳв, всех спасл еси.

Ирмос: Честнейшую Херувим, и славнейшую без сравнения Серафим, без ислѣния Бѳга Слѳва рѳждшую, сущую Богородицу Тя величаем.

светилен:

Разбойника благоразумнаго, во едином часѳ раеви сподѳбил еси, Гѳсподи, и менѳ Дрѳвом Крѳстным просвети, и спаси мя.

Слава Отцу, и Сыну, и Святому Духу
Разбойника благоразумнаго, во едином часѳ раеви сподѳбил еси, Гѳсподи, и менѳ Дрѳвом Крѳстным просвети, и спаси мя.

и ныне и присно, и во веки веков, аминь.

Разбойника благоразумнаго, во едином часѳ раеви сподѳбил еси, Гѳсподи, и менѳ Дрѳвом Крѳстным просвети, и спаси мя.

Старший: От Иоанна Святого Евангелия чтение

Хор: Слава страстем твоим Господи.

Старший:

9 Евангелие Иоанна 19:28-37

Во время оно, стояху при Кресте Иисусове Мати Его, и сестра Матере Его, Мариа Клеопова, и Мариа Магдалина. Иисус же виде Матерь, и ученика стояща, егоже любляше, глагола Матери Своей: Жено, се сын Твой. Потом же глагола ученику: Се Мати Твоя, и от того часа поят Ю ученик во свояси. Посем ведый Иисус, яко вся уже совершишася, да сбудется Писание, глагола: жажду. Сосуд же стояше полн оцта: они же исполнивше губу оцта, и на трость вонзше, придеша ко устому Его. Егда же прият оцет Иисус, рече: совершишася. И преклонь главу предаде дух. Иудее же, понеже пятък бе, да не останут на Кресте телеса в субботу; бе бо велик день той субботы, молиша Пилата, да пребиют голени их, и возмут. Приидоша же воины, и первому убо пребиша голени, и другому распятому с Ним. На Иисуса же пришедше, яко видеша Его уже умерша, не пребиша Ему голений: но един от воин копием ребра Ему прободе, и абие изыде кровь и вода. И видеый свидетельствована, и истинно есть свидетельство его: и той вест, яко истину глаголет, да вы веру имете. Быша бо сия, да сбудется Писание: кость не сокрушится от Него. И паки другое Писание глаголет: воззрят Нань, Егоже прободоша.

Хор: Слава долготерпению Твоему, Господи.

Ударяют в колокол 9 раз

глас 3:

Всякое дыхание да хвалит Господа. Хвалите Господа с небес, / хвалите Его в вышних. / Тебе подобает песнь Богу.

Хвалите Его, вси Ангели Его, / хвалите Его, вся Силы Его. / Тебе подобает песнь Богу.

Стих: Хвалите Его на силах Его, хвалите Его по множеству величества Его.

Два и лукавая сотвори, перворожденный Сын Мой Израиль: Мене остави Источника воды животных, и ископа себе кладенец сокрушенный: Мене на древе распят, Варавву же испроси ипусти. Ужасеся небо о сем, и солнце лучи скры. Ты же Израилю не усрамылся еси, но смерти Мя предал еси: остави им, Отче Святыи, не ведят бо, что сотвориша.

Стих: Хвалите Его во гласе трубнем, хвалите Его во псалтири и гуслех.

Два и лукавная сотвори, перворожденный Сын Мой Израиль: Мене остави Источника воды животныя, и ископа себе кладенец сокрушенный: Мене на древе распят, Варавву же испроси ипусти. Ужасея небо о сем, и солнце лучи скры. Ты же Израилу не усрамился еси, но смерти Мя предал еси: остави им, Отче Святыи, не ведят бо, что сотвориша.

Стих: Хвалите Его в тимпанах и лице, хвалите Его во струнах и органе.

Кийждо уд Святыя Твоея плоти, безчестие нас ради претерпе: терние, глава: лице, оплевания: челюсти, зашения: уста, во оцте растворенную желчь вкусом: ушеса, хуления злочестивая: плещы, биения: и рука, трость: всего телесе, протяжения на Кресте: членове, гвоздия: и ребра, копие. Пострадавый за ны, и от страстей свободивый нас, низшедый к нам Человеколюбием, и вознесый нас, Всесильне Спасе, помилуй нас.

Стих: Хвалите Его в кимвалех доброгласных, хвалите Его в кимвалех восклицания, всякое дыхание да хвалит Господа.

Распеншуся Ти, Христе, вся тварь видящи трепеташе, основания земли позыбашася страхом державы Твоея: Тебе бо вознесшеся днесь, род еврейский погйбе, церковная завеса раздрася на двоа, и мертвии от гробов воскресоша. Сотник, видев чудо, ужасея. Предстоящи же Мати Твоя вопияше, рыдаючи Матерски: како не возрыдаю и утробы Моей не бию, зрящи Тя нага яко осуждена, на древе висяща? Распныйся и погребыйся, и воскресый из мертвых, Господи, слава Тебе.

Глас б: Слава Отцу, и Сыну, и Святому Духу.

Совлекоша с Мене ризы Мои, и облекоша Мя в ризу червлену, возложиша на главу Мою венец от терний, и в десную Мою руку вдаша трость, да сокрушу их яко сосуды скудельничии.

И ныне, и присно, и во веки веков. Аминь.

Плещи Моя дах на раны, лица же Моего не отвратих от заплеваний, судищу Пилатову предстах, и Крест претерпех за спасение мира.

Старший: От Марка Святаго Евангелия чтение

Хор: Слава страстем твоим Господи.

Старший:

10 Евангелие Марка 15:43-47

Во время оно, прииде Иосиф, иже от Аримафеа, благообразен советник, иже и той бе чая Царствия Божия, дерзнув вниде к Пилату, и проси Тело

Иисúсово. Пилáт же дивíся, áще ужé ўмре: и призвáв сóтника, вопросí Егó: áще уже ўмре? И увéдев от сотника, даде́ тéло Ио́сифови. И купív плащани́цу, и снем Егó обвít плащани́цею, и положи́ Егó во гроб, íже бе изсéчен от кáмене: и привали́ кáмень над двéри грóба. Марíа же Магдали́на, и Марíа Ио́сiева зря́сте, где Егó полага́ху.

Хор: Сла́ва долготерпéнию Твоему́, Го́споди.

Ударяют в колокол 10 раз

чтец: Сла́ва Тебе́, показáвшему нам свет.

Сла́ва в вѣшних Бо́гу и на землѣ мир, в челове́цех благоволе́ние. Хва́лим Тя, благосло́вим Тя, кланя́ем Ти ся, славосло́вим Тя, благодарѣм Тя, вели́кия ра́ди сла́вы Твоея́. Го́споди, Царю́ Небе́сный, Бо́же, О́тче Вседержи́телю, Го́споди, Сýне Единоро́дный, Иисúсе Христé и Святы́й Ду́ше! Го́споди Бо́же, А́гнче Бо́жий, Сýне Оте́чь, взéмляй грех ми́ра, помѣлуй нас; взéмляй грехи́ ми́ра, приими́ моли́тву на́шу. Седя́й одесну́ю Отца́, помѣлуй нас. Я́ко Ты еси́ Еди́н Свят, Ты еси́ Еди́н Госпо́дь, Иисúс Христóс, в сла́ву Бо́га Отца́. Ами́нь. На всяк день благословлю́ Тя и восхва́лю́ И́мя Твое́ во вéки, и в век вéка. Го́споди, Прибе́жище был еси́ нам в род и род. Аз рех: Го́споди, помѣлуй мя, исцели́ ду́шу мою́, я́ко согрешѣх Тебе́. Го́споди, к Тебе́ прибего́х, научи́ мя твори́ти во́лю Твою́, я́ко Ты еси́ Бог мой, я́ко у Тебе́ Исто́чник живота́, во Свете Твое́м узрим свет. Пробави ми́лость Твою́ веду́щим Тя.

Сподóби, Го́споди, в день сей без грехá сохранѣ́тися нам. Благословéн еси́, Го́споди, Бо́же о́тец на́ших, и хва́льно, и просла́влено И́мя Твое́ во вéки. Ами́нь. Буди, Го́споди, ми́лость Твоя́ на нас, я́коже упова́хом на Тя. Благословéн еси́, Го́споди, научи́ мя оправда́нием Твои́м. Благословéн еси́, Влады́ко, вразуми́ мя оправда́нием Твои́м. Благословéн еси́, Святы́й, просвети́ мя оправда́нии Твои́ми. Го́споди, ми́лость Твоя́ во век, дел руку́ Твоею́ не прэзри. Тебе́ подобáет хвала, Тебе́ подобáет пéние, Тебе́ сла́ва подобáет, Отцу́, и Сýну, и Свято́му Ду́ху ны́не, и прѣсно, и во вéки веко́в. Ами́нь.

Лик: Го́споди, помѣлуй. (12).

Старший: **От Иоа́нна Святаго́ Евангелiя чтение**

Хор: Сла́ва страстем твоим Господи.

Старший:

11 Евангелие Иоанна 19:38-42

Во вре́мя о́но, моли́ Пилáта Ио́сиф, íже от Аримафе́а, сый учени́к Иисúсов, потаéн же стра́ха ра́ди иудейска, да во́змет Тéло Иисúсово: и

повелé Пилáт. Прийде же и взят Тéло Иисúсово. Прийде же и Никодíм, пришедýй ко Иисúсови нóщию прéжде, нося смéшение смíрнено и албíно, я́ко литр сто. Прияста же Тéло Иисúсово, и обвíста Ё рíзами со аромáты, я́коже обýчай есть иудéом погребáти. Бе же на мéсте, идéже распя́тся, верт, и в вёрте гроб нов, в нёмже николíже никтóже положён бе. Ту ўбо пяткá рáди иудéйска, я́ко близ б́яше гроб, положíста Иисúса.

Хор: Сла́ва долготерпéнию Твоемý, Гóсподи.

Ударяют в колокол 11 раз

стихíры

Глас 1: Вся тварь изменя́шеся стра́хом, зря́щи Тя на Крестé в́сима, Христé: со́лнце омрача́шеся, и земл́и основáния сотряса́хуся: вся сострада́ху Созда́вшему вся. Во́лею нас рáди претерпéвый, Гóсподи, сла́ва Тебе́.

Глас 2: Раздели́ша рíзы Моя́ себе́, и о оде́жди Моéй мета́ша жрéбий.

Лю́дие злочестíвии и беззакóннии, вскúю, поучáются тщéтным? Вскúю Живота́ всех на смерть осуди́ша? Вéлие чудо, я́ко Создатель мíра в рúки беззакóнных предаётся, и на дрéво возвыша́ется Человеколóбец: да я́же во аде ю́зники свободíт, зовúщия: Долготерпели́ве Гóсподи, сла́ва Тебе́.

Стих: Дáша в снeдь Мою́ желчь, и в жа́жду Мою́ напои́ша Мя о́цта.

Днесь зря́щи Тя, Непорóчная Дéва, на Крестé, Сло́ве, возвышаема, рыда́ющи Ма́тернею утрóбою, уязвля́шеся сéрдцем гóрце, и стeнящи болéзненно из глубин́ы душ́и, лице́ со власы́ терза́ющи, тёмже и пёрси бию́щи взывáше жалóстно: уб́ы Мне, Божéственное Чадо! Уб́ы Мне, Свéте мíра! Чтó зашёл ес́и от о́чию Моéю, А́гнче Бóжий? Тёмже во́инства Безплóтных трéпетом содерж́ими б́яху, глаго́люще: непостиж́име Гóсподи, сла́ва Тебе́.

Стих: Бог же Царь наш прéжде вéка соде́ла спасéние посреде́ земл́и.

На дрéве в́дящи в́сима, Христé, Тебе́, всех Зиждíтеля и Бóга, бессе́менно рóждшая Тя, вопия́ше гóрько: Сы́не Мой, где добрóта за́йде зра́ка Твоегó? Не терплю́ зрéти Тя непра́ведно распина́ема: потщ́ися ўбо, востáни, я́ко да ви́жу и Аз Твое́ из мёртвых триднёвное Воскресéние.

Глас 8: Сла́ва Отцý, и Сы́ну, и Свято́му Дúху.

Гóсподи, восходя́щу Ти на Крест, страх и трéпет нападе́ на тварь, и земл́и ўбо возбраня́л ес́и поглоти́ти распина́ющих Тя, аду же повелева́л ес́и

испустити юзники, на обновлѣние челоуѣков, Судие живых и мѣртвых, жизнь пришѣл еси подати, а не смерть: Челоуеколюбче, слава Тебѣ.

Глас 6: И ныне, и прѣсно, и во вѣки веков. Амѣнь.

Ужѣ омакается трость изречѣния, от судей неправедных Иисус судим бываѣет, и осуждаѣтся на Крест, и страждет тварь, на Крестѣ видящи Господа: но естеством телесѣ, менѣ ради страждай, Благий Господи, слава Тебѣ.

Седален, глас 1:

Езера и источники и моря сотворивый, смиренію нас наказуя изрядному, лѣнтіем опоясався учеников ноги умы, смиряяся премножеством благоутробія, и возвышая нас от пропастей злобы, Един Челоуеколюбец.

Старший: От Матфея Святаго Евангелія чтение

Хор: Слава страстем твоим Господи.

Старший:

12 Евангеліе Матфея 13:31-18:1

Во утрий день, иже есть по пятце, собрашася архиереи и фарисеи к Пилату, глаголюще: господи, помянухом, яко лстец Он рече еще сый жив, по триех днех востану. Повели убо утвердѣти гроб до третияго дне: да не како пришедше ученицы Его ношью украдут Его, и рекут людем: воста от мертвых. И будет послѣдняя леть горша первая. Рече же им Пилат: имате кустодію: идѣте, утвердѣте якоже вѣсте. Они же шедше утвердиша гроб, знаменавше камень с кустодіею.

Хор: Слава долготерпению Твоему, Господи.

Ударяют в колокол 12 раз

Святы́й Бо́же, Святы́й Крепкий, Святы́й Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святы́й, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

тропа́рь, глас 4:

Искупи́л ны еси́ от кля́твы зако́нныя Честно́ю Твое́ю Кро́вию, на Кресте́ пригвозди́вся, и копие́м прободя́ся, безсме́ртие источи́л еси́ челове́ком, Спа́се наш, сла́ва Тебе́.

Господи, помилуй. *40 раз*

Сла́ва Отцу́, и Сы́ну, и Свято́му Ду́ху и ны́не, и прісно, и во ве́ки веко́в. Ами́нь.

Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

Сла́ва Отцу́, и Сы́ну, и Свято́му Ду́ху и ны́не, и прісно, и во ве́ки веко́в. Ами́нь.

Го́споди, поми́луй. *(Трижды).*

Господи, благослови.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь

